



**KANTONALNI ZAVOD ZA ZAŠTITU
KULTURNO-HISTORIJSKOG I PRIRODNOG NASLIJEĐA
SARAJEVO**

INSTITUTE FOR THE PROTECTION OF CULTURAL-HISTORICAL
AND NATURAL HERITAGE OF CANTON SARAJEVO

Broj: 1278-1 /22

Datum: 19.07.2022.

ZAPISNIK

Sa 14. (četnaeste) sjednice Upravnog odbora JU "Kantonalnog Zavoda za zaštitu kulturno-historijskog i prirodnog naslijeđa Sarajevo", održane u utorak, 19.7.2022. godine, sa početkom u 16:00 sati.

Sjednici su prisustvovali: Azra Koldžo, predsjednica Upravnog odbora, Selma Karačević-Kapić, zamjenica predsjednice Upravnog odbora, članice Upravnog odbora Elša Turkušić-Jurić, Mirsada Škrijelj i Maida Šahinagić, Boris Trapara, direktor Zavoda, Emir Ramić, stručni saradnik za pravne poslove Zavoda i Erna Dautbegović, članica Komisije za provođenje javnog oglasa za prijem radnika u radni odnos na neodređeno vrijeme (u daljem tekstu: Komisija).

Predsjednica Upravnog odbora Azra Koldžo pozdravila je sve prisutne i predložila sljedeći Dnevni red za usvajanje:

DNEVNI RED

1. Usvajanje zapisnika sa 13. sjednice Upravnog odbora,
2. Odlučivanje o prigovoru Mejreme Zatrić-Šahović,
3. Odlučivanje o prigovoru Ane Marić,
4. Odlučivanje o korištenju godišnjeg odmora direktora Zavoda,
5. Davanje saglasnosti na zapošljavanje u Zavodu,
6. Razno.

Dnevni red je jednoglasno usvojen.

AD – 1 Bez primjedbi i sugestija usvaja se Zapisnik sa 13. (trinaeste) sjednice Upravnog odbora, održane elektronskim putem u ponedjeljak, 16.6.2022. godine.

AD – 2 Članovi Upravnog odbora razmatrali su prigovor kandidatkinje Mejreme Zatrić-Šahović na obavijest Komisije o neispunjavanju uslova oglasa za prijem u radni odnos na neodređeno vrijeme, objavljenog dana 13.5.2022. godine, zbog nedostavljanja dokaza o radnom iskustvu u oblasti kulturnog naslijeđa. Članica Komisije Erna Dautbegović je u ime Komisije dala kratko obrazloženje, koje se odnosilo na uslove tražene javnim oglasom, dokaze koje je kandidatkinja dostavila uz prijavu na javni oglas, dileme koje su članovi Komisije imali o prihvatanju dostavljenih dokaza i konsultacije koje su zbog toga obavljene sa supervizoricom Izetom Avdić, Uredom za borbu protiv korupcije i upravljanje kvalitetom (u daljem tekstu: Ured) i Ministarstvom za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo). Predsjednica Upravnog odbora Azra Koldžo je prenijela ostalim članovima informacije koje je dobila prilikom konsultacija sa Uredom i supervizoricom Izetom Avdić, te je, s obzirom da nema pravnog osnova za poništenje javnog oglasa zbog nedorečenosti Uredbe o postupku prijema u radni odnos u javnom sektoru na teritoriji KS (br. 19/21, 10/22, u daljem tekstu: Uredba), nemogućnosti da se kandidatkinja uključi u dalju konkursnu proceduru (pismeni i usmeni ispit), te imajući u vidu da su dva kandidata dostavila dokaz o ispunjavanju istog uslova traženog javnim oglasom, za razliku od kandidatkinje Mejreme Zatrić-Šahović (i ostala 3 diskvalifikovana kandidata), predložila da se prigovor odbije. Nastavak diskusije članova Upravnog odbora odnosio se na hitnu potrebu za izjašnjenjem Ministarstva (predlagača Uredbe) o načinu postupanja Upravnog odbora u slučaju prihvatanja prigovora kandidata zbog budućih javnih oglasa, prijedlog članice Maide Šahinagić za dopunu Uredbe ili donošenje pravilnika kojim će se



**KANTONALNI ZAVOD ZA ZAŠTITU
KULTURNO-HISTORIJSKOG I PRIRODNOG NASLIJEĐA
SARAJEVO**

INSTITUTE FOR THE PROTECTION OF CULTURAL-HISTORICAL
AND NATURAL HERITAGE OF CANTON SARAJEVO

preciznije definisati način provođenja javnog oglasa, potrebnu dokumentaciju, moguće načine postupanja prilikom prigovora diskvalifikovanih kandidata isl.

Članovi Upravnog odbora su jednoglasno usvojili prijedlog da se prigovor kandidatkinje Merjeme Zatrić-Šahović odbije s obzirom na prazninu u Uredbi o daljem postupanju po prigovoru kandidata i precizno navedenoj potrebnoj dokumentaciji koja se prilaže uz prijavu, te da će uputiti inicijativu za izmjene i dopune Uredbe.

AD – 3 Članovi Upravnog odbora saslušali su obrazloženje članice Komisije Erne Dautbegović o postavljenim pitanjima na usmenom ispitu za Poziciju 1 – Viši stručni saradnik za zaštitu arheološkog naslijeđa i načinu bodovanja istih, te su izvršili uvid u dokumentaciju i jednoglasno odlučili da se prigovor kandidatkinje Ane Marić odbija.

AD – 4 Svi članovi Upravnog odbora su jednoglasno odlučili da se odobrava korištenje godišnjeg odmora direktoru Zavoda, te da će se pripremiti Odluka Upravnog odbora o istom.

AD – 5 Članovi Upravnog odbora jednoglasno su odlučili da se daje saglasnost na zapošljavanje u Zavodu, te da će se pripremiti Odluka Upravnog odbora. Članica Upravnog odbora predložila je da Komisija, koja bude imenovana za provođenje javnog oglasa za prijem u radni odnos, a prije objave javnog oglasa, dostavi članovima Upravnog odbora sadržaj istog, radi dodatne kontrole i otklanjanja eventualnih nejasnoća.


AD – 6 Stručni saradnik za pravne poslove Zavoda, Emir Ramić, uputio je sve prisutne u namjeru za izradu Plana integriteta, te da je formirana radna grupa, da će se u narednih nekoliko dana poslati obavijest svim uposlenicima, kao i da je planiran seminar/predavanja u cilju upoznavanja radne grupe i uposlenika o ciljevima i budućim aktivnostima za izradu Plana integriteta.

Predloženo je da se izvrši pregled postojećeg Pravilnika o radu Zavoda, jer isti nije važeći s obzirom na neusklađenost sa važećim zakonima, uredbama i drugim propisima, te da se na osnovu analize sačini novi. Emir Ramić obavijestio je prisutne da je za naredni period planirano usklađivanje internih akata Zavoda sa važećim zakonskim propisima.

Sjednica je zaključena u 17:30 sati.

Zapisnik pripremila
Erna Dautbegović

Predsjednica UO
Azra Koldžo



DOSTAVITI:

1. Ministarstvu kulture i sporta Kantona Sarajevo,
2. članovima Upravnog odbora,
3. direktoru,
4. arhivi UO,
5. arhivi Zavoda.